

ხელშეკრულება სახელმწიფო შესყიდვის შესახებ №1

წინამდებარე ხელშეკრულება დადებულია 06 თებერვალი 2012 წ.

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) - „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების დამტკიცების შესახებ“ სახელმწიფო შესყიდვების სააგენტოს თავმჯდომარის 2006 წლის 3 იანვრის №1 ბრძანებით დამტკიცებული დებულების საფუძველზე დამკვეთ ორგანიზაციისა და მიმწოდებელს შორის დადებულია ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს მომსახურების შესყიდვას;
- 1.3. „მიმწოდებელი“ ნიშნავს იურიდიულ პირს, რომელმაც „შემსყიდველთან“ გააფორმა ხელშეკრულება სახელმწიფო შესყიდვების შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“ „თვე“ ნიშნავს კალენდარულ დღეს, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1. წინამდებარე ხელშეკრულება დადებულია: ერთი მხრივ სსიპ – „გალაქტიონ და ტიციან ტაბიძეების სახლ-მუზეუმისა“ (შემდგომში „შემსყიდველი“), რომელსაც წარმოადგენს მუზეუმის დირექტორი ირმა ცხვარაძე და მეორეს მხრივ – აუდიტურ კომპანია „კომპაუნდს“ (შემდგომში „მიმწოდებელი“) შორის, რომელსაც წარმოადგენს მისი დირექტორი ივანე ფანცულაია.

მხარეები შეთანხმდნენ შემდეგზე:

3. ხელშეკრულების საგანი

3.1. 2011 წლის პერიოდის ფინანსური ანგარიშგების აუდიტი;

4. ხელშეკრულების ღირებულება

4.1. გასაწევი მომსახურების ღირებულება შეადგენს 500 (ხუთასი) ლარს საქართველოს კანონმდებლობით დადგენილი შესაბამისი გადასახადის გათვალისწინებით.

5. მხარეთა უფლება-მოვალეობანი

- 5.1. „შემსყიდველს“ უფლება აქვს:
 - 5.1.1. „მიმწოდებლისგან“ მოითხოვოს მომსახურების ხარისხიანად გაწევა მიმდინარე წლის 06 თებერვლიდან 17 თებერვლამდე პერიოდში;
 - 5.1.2. „მიმწოდებლისგან“ მოითხოვოს წინამდებარე ხელშეკრულებით დადგენილი პირობების დაცვა;
- 5.2. „შემსყიდველი“ ვალდებულია:
 - 5.2.1. გადასცეს „მიმწოდებელს“ ყველა საჭირო დოკუმენტაცია, რომელიც შეეხება და დაკავშირებულია ხელშეკრულების საგანთან;
 - 5.2.2. შეუქმნას „მიმწოდებელს“ აუდიტის ჩატარებისათვის საჭირო სამუშაო პირობები;
 - 5.2.3. უზრუნველყოს აუდიტური შემოწმებით და ინვენტარიზაციით გამოვლენილი ხარვეზების გამოსწორება;
- 5.3. „მიმწოდებელს“ უფლება აქვს:

5.3.1. მოქმედი კანონმდებლობის, ნორმებისა და სტანდარტების, აგრეთვე „შემსყიდველთან“ დადებული ხელშეკრულების პირობების საფუძველზე განსაზღვროს აუდიტის და ინვენტარიზაციით ჩატარების ფორმები და მეთოდები;

5.3.2. „შემსყიდველისგან“ მოითხოვოს ხელშეკრულების საგანთან დაკავშირებული ყველა საჭირო დოკუმენტაციის წარმოდგენა;

5.3.3. უარი თქვას ხელშეკრულებით გათვალისწინებული მომსახურების გაწევაზე იმ შემთხვევაში, თუ „შემსყიდველი“ არ უზრუნველყოფს მისთვის ჩასატარებლად საჭირო დოკუმენტაციის წარმოდგენას;

5.3.4. მოითხოვოს გაწეული მომსახურების ღირებულების სრული და დროული ანაზღაურება;

5.3.5. „შემსყიდველისგან“ მოითხოვოს ხელშეკრულების პირობების დაცვა;

5.4. „მიმწოდებელი“ ვალდებულია:

5.4.1. ხელშეკრულებით დადგენილ ვადებში უზრუნველყოს ნაკისრი ვალდებულებების შესრულება;

5.4.2. ხელშეკრულებით გათვალისწინებული მომსახურების გაწევისას დაიცვას საქართველოს კანონმდებლობა, საქართველოში მოქმედი აუდიტური სტანდარტები და ხელშეკრულებით დადგენილი პირობები;

5.4.3. „შემსყიდველს“ აცნობოს აუდიტური შემოწმებისას და ინვენტარიზაციით გამოვლენილი ხარვეზებისა და ნაკლოვანებების შესახებ;

5.4.4. საიდუმლოდ შეინახოს აუდიტური შემოწმებისას (მომსახურების გაწევისას) მიღებული ყველა სახის ინფორმაცია.

6. მომსახურების მიღება-ჩაბარების წესი

6.1. მომსახურება გაწეულად ჩაითვლება „მიმწოდებლის“ მიერ ხელშეკრულების საგანთან დაკავშირებით აუდიტური დასკვნისა და ანგარიშის წარმოდგენისა და მიღება-ჩაბარების აქტის გაფორმების შემდეგ.

6.2. მიღება-ჩაბარების აქტზე ხელმოწერის უფლება ეძლევა ამ ხელშეკრულების ხელის მომწერ პირებს.

7. ხელშეკრულების შესრულების კონტროლი

7.1. „მიმწოდებლის“ მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე „შემსყიდველის“ მხრიდან კონტროლს განახორციელებს უნივერსიტეტის ადმინისტრაცია.

8. გასაწევი მომსახურების ხარისხი და გარანტია

„მიმწოდებელი“ იძლევა გარანტიას, რომ იგი უზრუნველყოფს მომსახურების მაღალხარისხოვნად გაწევას და რომ მისი ქმედებით ხარაღი არ მიადგება „შემსყიდველს“.

9. ანგარიშსწორება

9.1. ანგარიშსწორება მიღება-ჩაბარების აქტის გაფორმებიდან 20 საბანკო დღის განმავლობაში.

9.2. ანგარიშსწორების ფორმა იქნება უნაღდო, გადარიცხვა მოხდება „მიმწოდებლის“ საბანკო ანგარიშზე.

10. ხელშეკრულებაში ცვლილებების შეტანა

10.1. ხელშეკრულების დაშვებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები;

10.2. ხელშეკრულების ღირებულებითი პარამეტრების მოქმედების მთელი პერიოდის განმავლობაში დასაშვებია გასაწევი მომსახურების განსაზღვრული ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რუჯიმოს შეცვლისა და საქართველოს სამოქალაქო კოდექსის 398-ე მუხლში გათვალისწინებულ შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას შემსყიდველი ორგანიზაციისათვის;

10.3. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 2%-ს;

10.4. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარმოუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა;

10.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. სუბკონტრაქტორები

11.1. იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, „მიმწოდებელმა“ წერილობით უნდა აცნობოს „შემსყიდველს“ ზემოაღნიშნულის შესახებ და მიიღოს მისგან წერილობითი თანხმობა.

11.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს „შემსყიდველს“ მისი გაფორმებიდან ერთი კვირის ვადაში;

11.3. ამ ხელშეკრულების ფარგლებში დადებული არცერთი სუბკონტრაქტორი არ ათავისუფლებს „მიმწოდებელს“ ხელშეკრულებით ნაკისრი ვალდებულებებისაგან.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შექერვა ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას და „მიმწოდებლისათვის“ ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

12.3. ფორს-მაჟორული გარემოებების დადგომის შემთხვევაში ხელშეკრულების დამდევმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუფონდებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. მხარეთა პასუხისმგებლობა

13.1. გაწეული მომსახურების ღირებულების დროულად გადაუხდელობის შემთხვევაში „შემსყიდველს“ ერიცხება საურავი ყოველ გადაგადაცილებულ დღეზე ხელშეკრულების 0.1%-ის ოდენობით;

13.2. ხელშეკრულების მოქმედების პერიოდში „მიმწოდებლის“ მხრიდან ხელშეკრულების 5.1.1. ქვეპუნქტში გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით;

13.3. თუ „შემსყიდველი“ ვერ უზრუნველყოფს „მიმწოდებლისათვის“ აუდიტის საგანთან დაკავშირებული აუცილებელი ინფორმაციის მიწოდებას და სათანადო სამუშაო პირობების შექმნას, „მიმწოდებელი“ იტოვებს უფლებას შეაჩეროს ხელშეკრულებით ნაკისრი ვალდებულებების შესრულება;

13.4. „მიმწოდებელს“, აუდიტური მომსახურების არასათანადოდ შესრულების შემთხვევაში ეკისრება მიყენებული ზარალის ანაზღაურების (ქონებრივი) პასუხისმგებლობა საქართველოს მოქმედი კანონმდებლობის შესაბამისად.

14. ხელშეკრულების შეწყვეტა

14.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულებს სრული ან მისი ცალკეული პირობების მოქმედების შეწყვეტის შესახებ. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან;

14.3. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

14.4. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით გათვალისწინებული ვალდებულების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

14.5. ამ მუხლის მე-5 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად გაწეული მომსახურების ღირებულება.

15. დავების გადაწყვეტის წესი

დავების გადაწყვეტა ხდება მოქმედი კანონმდებლობის შესაბამისად.

16. სხვა პირობები

16.1. წინამდებარე ხელშეკრულება ძალაში შედის ხელმოწერის დღიდან და მოქმედებს მხარეთა მიერ საკუთარი ვალდებულების სრულ შესრულებამდე.

16.2. ხელშეკრულება შედგენილია ქართულ ენაზე 3 ეგზემპლარად (ორი შემსყიდველს, ერთი მიმწოდებელს).

17. მხარეთა რეკვიზიტები

შემსყიდველი

სსიპ – „გალაქტიონ და ტიციაან ტაბიძეების სახლ- მუზეუმი“
ვანის მუნიციპალიტეტი,
შუამთის თემი სოფ. ჭყვიში,
სახელმწიფო ხაზინა
ს/კ229726464

მიმწოდებელი

აუდიტური კომპანია „კომპაუდი“
ქთბილისი, წერეთლის გამზ. №95ა
სს „ლიბერთი ბანკი“
ა.ა #GE67LB0113110331097000
ბანკის კოდი LLBRTGE22

ს/კ №202385169

მუზეუმის დირექტორი
ირმა ცხეარაძე



დირექტორი
ივანე აბდოშვილი

